

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (09082023) / (518)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՆՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«09» օգոստոսի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մարսատուն-վարչության
(ստորաբաժանման անվանումը)

Ղեկավարի ժամանակավոր պաշտոնակատար Նարեկ Սարգսյանս, քննելով՝ **ԻԻՀ**
քաղաքացի Ռամին Ֆայյազի Շաբլուի (անձնագիր՝ W48051965)

(քննվող անձի անվանումը, կազմակերպարավական տեսակը, ՀՎՀՀ, պետական գրանցման/ընակության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«ԹՐԵՅԴԵՐ ՔԱՄՓՆԻ» ՍՊԸ-ի անվամբ ներմուծված 24730 կգ ապրանքն ըստ
ուղեկցող փաստաթղթերի թիվ 05100041/030723/0030689 տարանցման
հայտարարագրով հայտարարագրվել է որպես արկտիկական դիզելային վառելիք:
Իրականացված մաքսային հսկողության արդյունքում կասկածներ են առաջացել
վերոնշյալ ապրանքի ճշգրիտ հայտարարագրման կապակցությամբ, քանի որ
ապրանքը տեղափոխող 18AB539/18AB540 պետհամարանիշներով բեռնատարում
առկա է եղել անգույն սուր հոտով հեղուկ:

03"07.2023 թվականին Հարավային մաքսատուն-վարչության պետի տեղակալի կողմից որոշում է կայացվել վերոնշյալ ապրանքները նյութագիտական փորձաքննության ենթարկելու մասին:

18.07.2023 թվականին ՀՀ ԱՆ «Փորձագիտական կենտրոն» ՊՈԱԿ-ի փորձագետի եզրակացության համաձայն՝ փորձաքննության տրամադրված հեղուկներն իրենց ածխաջրածնային և մասազատիչ կազմով, ինչպես նաև խտությամբ և բնական ջերմաստիճաններով դիզելային վառելիք չեն հանդիսանում, այլ իրենցից ներկայացնում են միջին թորվածքի բաց նավթամթերք՝ 170-223° C ջերմաստիճանային միջակայքում թորվող կերոսինային ֆրակցիա:

Փաստի առթիվ 20.07.2023 թվականին ՀՀ ՊԵԿ ՀՄՎ ՄՄԿ բաժնի ավագ մաքսային տեսուչ-իրավաբանի կողմից ԻԻՀ քաղաքացի Ռամին Ֆայյազի Շաբլուի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

Բացի այդ հարկ է նշել, որ մեկ այլ՝ «Արեն գրուպ» ՍՊ ընկերության /ՀՎՀՀ 03029807/ անվամբ 2023թ. հունիս ամսին ԻԻՀ-ից ՀՀ է ներմուծվել նույնանման անգույն և սուր հոտ ունեցող հեղուկ՝ 484940 կգ ընդհանուր քաշով, որը 24.06.2023թ. և 27.06.2023թ. հայտարարագրվել է որպես արկտիկական դիզելային վառելիք, սակայն նշանակված մաքսային փորձաքննության արդյունքում պարզվել է, որ նշված ապրանքները չեն հանդիսանում դիզելային վառելիք, այլ հանդիսանում են միջին թորվածքի բաց նավթամթերք՝ 170-223° C ջերմաստիճանային միջակայքում թորվող կերոսինային ֆրակցիա: Ավելին, իրականացված վարչական վարույթի ավարտից հետո նույն՝ «Արեն գրուպ» ՍՊ ընկերության կողմից 484940 կգ ընդհանուր քաշով ապրանքն արդեն հայտարարագրվել է որպես միջին թորվածքի բաց նավթամթերք /Ա/հ 05100040/280723/0006720 և 05100040/280723/0006721/:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

«Մաքսային կարգավորման մասին» ՀՀ օրենքի 316-րդ հոդվածի 2-րդ մասի համաձայն՝ «Սույն հոդվածի 1-ին մասով սահմանված արարքը մեկ տարվա ընթացքում կրկին կատարելը՝ առաջացնում է տուգանք՝ տասը հազար դրամի չափով»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի շրջանակներում թիվ 05100041/030723/0030689 տարանցման հայտարարագրով հայտարարագրված ապրանքի և փաստացի առկա ապրանքի մաքսային արժեքը, մաքսային վճարների տարբերությունը փորձագետի եզրակացությունում նշված ապրանքի հետ համեմատությամբ, ինչպես նաև նշված օրվա դրությամբ ոչ սակագնային կարգավորման միջոցների կիրառման վերաբերյալ տեղեկություն ստանալու նպատակով թիվ 694 և 766 համարի զեկուցագրերով հարցումներ են կատարվել ՀՄՎ համապատասխան ստորաբաժանմանը:

ՀՄՎ մաքսային գործառնությունների բաժնի թիվ 742 և 770 համարների տեղեկանքների համաձայն՝ թիվ 05100041/030723/0030689 տարանցման հայտարարագրով հայտարարագրված դիզելային վառելիքի փոխարեն միջին թորվածքի բաց նավթամթերք հայտարարագրելու դեպքում մաքսային վճարները կնվազեն և փորձագետի եզրակացությունում նշված ապրանքը ենթակա չէ ոչ սակագնային կարգավորման միջոցների կիրառման:

ԻԻՀ քաղաքացի Ռամին Ֆայյազի Շաբլուին առձեռն ծանուցագիրը հանձնելու փորձ է արվել, սակայն չի հաջողվել:

Ի՞հ Հ քաղաքացի Ռամին Ֆայյազի Շաբլուիի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության ծառայությանը, իսկ Ի՞հ Հ քաղաքացի Ռամին Ֆայյազի Շաբլուիի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ քաղաքացի Ռամին Ֆայյազի Շաբլուիի հաշվառման վայրի վերաբերյալ տվյալներ առկա չէ:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Ռամին Ֆայյազի Շաբլուիի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

Քաղաքացի Ռամին Ֆայյազի Շաբլուիի սահմանահատումների պատմությունը ստանալու նպատակով՝ 08.08.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Ռամին Ֆայյազի Շաբլուիին 11.07.2023 թվականին ժամը 11:50-ին Ազարակ պետական սահմանի անցման կետով անցել է Ի՞հ Հ:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Պարզվել է նաև, որ Ի՞հ Հ քաղաքացի Ռամին Ֆայյազի Շաբլուիին ՀՀ ՊԵԿ որևէ մաքսային մարմնի ղեկավարի, նրա տեղակալի կամ վերադաս մաքսային մարմնի համապատասխան իրավասություն ունեցող կառուցվածքային ստորաբաժանման ղեկավարի կողմից կայացված որոշմամբ երբևէ «Մաքսային կարգավորման մասին» ՀՀ օրենքի 316-րդ հոդվածի 1-ին մասով չի նախազգուշացվել, հետևաբար այս

դեպքով կիրառելի է «Մաքսային կարգավորման մասին» ՀՀ օրենքի 316-րդ հոդվածի 1-ին մասը:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 1-ին մասով, 322-րդ, 332-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. Ի՞նչ քաղաքացի Ռամին Ֆայյազի Շաբլուիին «Մաքսային կարգավորման մասին» ՀՀ օրենքի 316-րդ հոդվածի 1-ին մասով սահմանված մաքսային կանոնների խախտում կատարելու համար ենթարկել վարչական պատասխանատվության և նախազգուշացնել:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն
(ստորաբաժանման անվանումը)

Ղեկավարի
Ժամանակավոր

պաշտոնակատար՝ Նարեկ Սարգսյան
(անուն, ազգանուն)



(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2023թ.